

# Perorsaanermik Ilinniarfik Socialpædagogisk Seminarium



**PI/SPS**

**ILINNIARNERUP AAQQISSUGAANERA**

**Socialassistentinngorniarluni ilinniarneq**

**August 2018**



## Indholdsfortegnelse

Rektorip siulequtsiaa .....	3
Aallaqqaasiut .....	4
Socialassistentinngorniarluni ilinniarnermut aalajangersakkat aalajangersarneqarsimasut: .....	4
Atuutilerana .....	5
Ilinniarnernup siunertaa anguniagassallu.....	5
Socialassistentitut ilinniarnerninik naammassisimasup piginnaasassai .....	5
Ilinniarnernup siunertaa faginut ataasiakkaanut agguataarlugu .....	6
Qallunaatut oqaatsit aappaattut .....	6
Perorsaaneq.....	7
Tarnip pissusii .....	8
Kulturi inuiaqatigiilerinerlu.....	8
Ilinniarnermut killissaliussat assignissaarnerillu.....	9
Tigutinnissamut piumasaqaatit .....	10
Ilinniarnernup aaqqissuussaana .....	10
Ilinniarneq kalaallinut sammivilerlugu .....	11
Ilinniarnernup siuariartornera, ataqatigiinnera ataavartuuneralu.....	11
Ilinniartitseriaatsimi tunngaviit tunaartarisallu.....	12
Misilitsinnerit.....	13
Modulini misilitsinnerit .....	13
Misilitsinneq .....	14
Misilitseqqinneq napparsimaneq pissutigalugu misilitsinneq.....	14
Naammagittaalliuit .....	15
Ilinniarnernup nalaani aqutissiineq .....	15
Ilinniarnerni aqutissiineq.....	15
Suliatigut aqutissiineq .....	15
Peqataasussaatitaaneq.....	16
Ilinniarnerni peqataaneq.....	16
Takkuttarnermik nalunaarsuisarneq .....	16
Peqataangitsoortarneq.....	16
Immikkut akuersissuteqartarnermut aalajangersakkat .....	17
Aalajangersakkat allat.....	17
Ilinniarnernit anisitaaneq .....	17

## Rektorip siulequtsiaa

Perorsaanermik Ilinniarfimmi / Socialpædagogisk Seminarium (PI/SPS) Socialassistentinngorniarluni ilinniarnermut ilinniarnernup aaqqissugaanerata uuma ilinniarnernup aaqqissugaaneranut imaanullu killissaliussanik aalajangersaavoq.

Socialassistentinngorniarluni ilinniarnernup isumaginninnermi ikiortit perorsaasutut sammivilimmik bacheloritut ilinniarnermut tigutissinnaangorlugit piginnaaneqalernissaannut periarfississavai. Ilinniarneq ilinniaqqinnissamut piareersarfittut ingerlanneqassaaq imaralugit inuussutissarsiutinut ilinniarnermut soorlu isumaginninnermi ikiortimit ilinniarnermut ingerlaqqiffiusumut tassalu perorsaasunngorniarluni ilinniarnermut 'ikaartarfiliornertut' ilusiligaalluni. Ilinniarnermi aamma siunertaavoq ilinniartup socialassistentitut sulinissamut piginnaaneqalersinnissaa.

Ilinniartut isumaginninnermi ikiortitut ilinniarnermi suliatigut piginnaasaat misilittagaallu ilaatinnissaat pingaartinneqarpoq kiisalu tamatuma malitsigisaanik sulinermit misilittagaat atuagarsornikkut ilinniarnermilu sungiusarnikkut suli annerusumik ineriartorteqqissallugit. Ilinniarnermi ilinniartut ataasiakkaat piginnaasaat aallaavigineqassapput ilinniarnernup naammassineqarnerani piginnaasassatut piumasarineqartut eqqortinneqarnissaat siunertaralugu.

Ilinniarnernup aaqqissugaanera PI/SPS-ip siulersuisuinit 22. februar 2018-imi akuerineqarpoq.

Nuka Kleemann  
Rektori

## Aallaqqaasiut

Perorsaanermik Ilinniartfimmi / Socialpædagogisk Seminarium (PI/SPS) Socialassistentinngorniarluni ilinniarnermut ilinniarnerep aqqissugaanera una allagaataavoq inatsisini, nalunaarutini aalajangersakkanilu allani atuuttuni killissaliussat iluanni socialassistentinngorniarluni ilinniarnerep aqqissugaaneranut malittarisassanik aalajangersaaffiusoq.

Ilinniarnerep aqqissugaanera PI/SPS-imi socialassistentinngorniarluni ilinniarnermi sulianut perorsaanermullu aalajangersakkanik imaqarpoq. Aamma ilinniarnerep ilusilersugaanera fagillu modulillu siunertai kiisalu ilinniarnermi siuariartortoqarnera pillugit allaaserisanik ilaqartinneqarluni.

Ilinniarnerep aqqissugaanera ilinniarneq pillugu quppersakkamik ilaqartinneqarpoq, tassani ilinniarneq sukumiisumik allaaserineqarpoq, matumani modulini tallimaasuni ilinniarnerep imai ilanngullugit. Ilinniarneq pillugu quppersakkami aamma PI/SPS-imi ilinniarnermi avatangiisit ilinniarnermilu ingerlatat assigiinngitsut, siunnersuisoqatigiit ataatsimiititaliallu kiisalu ilinniarneq PI/SPS-ilu pillugit paasissutissat nassaassaapput.

### **Socialassistentinngorniarluni ilinniarnermut aalajangersakkat aalajangersarneqarsimasut:**

- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr.10, 19. maj 2010-meersoq
- Greenlandic Grading System (GGG-nalilersuut)
- Inuussutissarsiutinik ilinniartitsinerit soraarummeertarnerit pillugit Namminersorlutik Oqartussat nalunaarutaat nr. 4, 18. marts 2015-meersoq
- Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-meersoq

Socialassistentinngorniarluni ilinniarneq inuussutissarsiutinik ilinniartitaaneruvoq Inuussutissarsiutinik ilinniartitsinerit aamma inuussutissarsiutinik ilinniartitsinerit iluani pikkorissaanerit pillugit Inatsisartut inatsisaata nr. 10, 19. maj 2010-meersup ataaniippoq, § 5 naapertorlugu Naalakkersuisut ilinniakkat nutaat pilersinnissaat akuerissavaat.

- Socialassistentinngorniarluni ilinniarnermut ilinniarnerep aqqissugaanera siulleq Ilinniartitaanermut Ilisimatusarnermullu Naalakkersuisoqarfiup 4. oktober 2011-imi akueraa.
- Perorsaanermik Ilinniartfimmi socialassistentinngorniarluni ilinniarnerep sapaatit akunnerinit 20-nit sapaatit akunnerinut 39-inut sivitsorneqarnissaa Ilinniartitaanermut Ilisimatusarnermullu Naalakkersuisoqarfiup 12. juli 2012-mi akueraa.
- Socialassistentinngorniarluni ilinniarnermut ilinniarnerep aqqissugaanera nutartigaq Inuussutissarsiutinut ataatsimiititaliap IIN-illu 7. februar 2013-imi akueraat.

Perorsaanermik Ilinniartfimmi socialassistentinngorniarluni ilinniarneq angusiffigineqarluni naammassineqarpat socialassistentitut imminut taaguusertoqarsinnaalissaaq.

Ilinniarnernut aqqissugaanera ukiup ilinniarfiusup aallartinnerani atuutilissaaq ikaarsaariarnermilu malittarisassanik imaqaassalluni, tamanna piumasarineqarpat.

Ilinniarnernut aqqissuussinerit seminariap nittartagaani tamani pissarsiarineqarsinnaassapput.

### **Atuutilerera**

Socialassistentinngorniarluni ilinniarnernut ilinniarnernup aqqissugaanera una 1. august 2018-imi atuutilerpoq ilinniarnernullu aqqissugaanera siusinnerusumeersoq taarserlugu.

## **Ilinniarnernup siunertaa anguniagassallu**

Socialassistentitut ilinniarnermi siunertaavoq ilinniartut suliamut ilisimasaat sulisinnaassusiallu annertusassallugit, kiisalu suliassa qarfinni ilinniarnernut ilanngunneqarsimasut iluanni sulianut aalajangersimalluinnartunut atuagarsornerni periaatsinilu tunngaviusunik piginnaanii annertusissallugit.

Ilinniarnermi pingaarnerusutigut anguniagaasut marlunnut sammitinneqarput. Illuani ilinniarnermi ilinniartup ilinniartitaanernut attuumassutilimmut ingerlaqqinnissaa anguniagaavoq<sup>1</sup>. Illuatungaanilu ilinniartup perorsaarnermik sulinermi piginnaaneqarnerulernissaa anguniagaalluni.

Ilinniartuq ilinniarnini aqputigalugu qallunaatut oqaatsit aappaat atorlugit GU-p assigisaanik qaffasissuseqartumik sulisinnaassuseqalissasoq piginnaaneqalissasorlu, kiisalu perorsaarnernup iluani oqaatsinik atorneqartunik atuisinnaassuseqalissasoq, taamaalilluni ilinniartuq perorsaasutut sammivilimmik bacheloritut ilinniarnernut tigutissinnaalissalluni. Taassuma saniatigut qallunaatut piginnaasaqarnikkut ilinniartup perorsaarnermik suliassa qarfiup iluani inuusutissarsiutigalugu sulinerani ineriartortuarnissaa qulakkeerneqassaaq.

Socialassistentitut ilinniarsimasoq perorsaarnermi suliassanik nalinginnaasunik, isumaginninnermi perorsaarnermilu suliassa qarfiup tamarmiusup iluani suliqaarsinnaalersimassaaq. Socialassistentit suliassa qarfiinut ilaapput meeqqat atugarliortut, inersimasut atugarliortut, innarluutillit, inuusuttut, utoqqaat kiisalu ilaqutariit meeqqallu. Suliffiit taakku ulluunerani aamma ulloq unnuarlu paaqqinnittarfinnut paaqqinnittarfinnullu allanut ilaasut socialassistentip suliffigisinnaavai. Socialassistentip aamma sulisut allat perorsaarnermik sulinermi eqqarsaatississinnaavai ineriartornissaannilluunniit ikiorsinnaallugit.

### **Socialassistentitut ilinniarnerninik naammassisimasup piginnaasassai**

Socialassistentitut ilinniartitaanernup anguniagaraa socialassistentit misissuisinnaassusermik, periaatsinik atuagarsuutinillu piginnaaneqalissasut, ilinniartitaanernup suliassa qarfiini pingaarnerni pingasuusuni; qallunaatut oqaatsit aappaattut, perorsaaneq tarnillu pissusii, kiisalu ilinniartup inuttut, attaveqarsinnaanera suleqateqarsinnaaneralu nukittorsassallugit. Suliassa qarfiit

---

<sup>1</sup> Socialassistentuddannelsen er adgangsgivende til professionsbacheloruddannelsen til socialpædagog, hvor der optages efter højeste karakter, samt adgangsgivende til den decentrale socialrådgiveruddannelse.

pingaernerit ilaqartinneqarput kulturi inuiaqatigiilerinerlu, kiisalu pinngorartitsineq aalanerlu. Misissuinermit periaatsinut isumaliutit ilinniakkat pillugit eqqarsaatiginninneq siuarsassavaat, qulakkiissallugulu ilinniartup ilisimasai atuagarsornermut, oqaluttuarisaanermut, kulturimut inuiaqatigiinnullu ataneqartinneqarnissaat.

Ilinniartitaanikkut anguniarneqarpoq socialassistenti ilinniarnep naammassinerani ilikkagassat makku naammassisimassagai piginnaaneqarfigissallugillu:

- Perorsaaneq pillugu allakkanik tusagassiuutitigut qallunaatut oqaatsit aappaattut suliaasimasunik ilisarsinnaassasoq, misissuisinnaassasoq nalilersuisinnaassasorlu
- Perorsaaneq aamma tarnip pissusii pillugit atuagarsornermi taaguutillu ineriartortinneqartut pillugit ilisimasanik atuisinnaassasoq namminerlu sulinini eqqarsaatigisinnaassallugu
- Sulianut tunngatillugu anguniagassat periaatsillu tunngavilersugaasut aallaavigalugit perorsaanermit pilersaaruserneq, ingerlatsineq nalilersuinerlu
- Sulisutut suleqatinik, angajoqqaanik, meeqqanik atuisunillu suleqateqarsinnaaneq
- Ilisimasassanik nutaanik ujartuisinnaaneq pigiliussisnaanerlu

*Ilisimasat* misilittakkanik nalunngisaqarnermik suliarinninnermillu nassuiarneqarpoq.

*Sulisinnaassuseq* sulinermit ilikkarsimasat aallaavigalugit iliuuseqarsinnaanermik nassuiarneqarluni.

## **Ilinniarnep siunertaa faginut ataasiakkaanut agguataarlugu**

### Qallunaatut oqaatsit aappaattut

Suliassaqrarfiup pingaernerup ilinniartoq suliassaqrarfiimi qallunaatut taaguutinik aalajangersimasunik nalinginnaasunik oqaatsit aappaanik piginnaaneqalersissavaa, taamaalilluni ilinniartoq eqqarsaatiginninnermit, misissuinermit oqaatsit taakku atorsinnaassallugit kiisalu allaaserisanik perorsaanermit tunngasunik allattariarsornikkut oqaluinnarnikkullu apeqqusiisunnaassalluni isummersinnaassalluni ilinniarnertuunngorniat qaffaseqataanik.

QALLUNAATTUT OQAATSIT AAPPAATTUT INAARUTAASUMIK ILIKKAGASSATUT ANGUNIAGASSAT:

Ilisimasassatut anguniagassat

- Ilinniartoq allaaserisani fagimut attuumassutilinni oqaatsit, oqaatsit immikkoortitigaanerannik oqaaseqatigiit allanneqartarnerinik isumaannik ilisimasaqarpoq
- Ilinniartoq paasissutissanik ujaasinissaminik ilisimasaqarpoq
- Ilinniartoq oqaatsit atornerqartut oqariartuummut pingaaruteqassusiannik ilisimasaqarneq
- Ilinniartoq allaaserisanik suliamut attuumassutillit siunertaannik ilusaannillu misissuinissamut naliliinissamullu periaatsinik ilisimasaqarpoq
- Ilinniartoq atuarnissamut periusissanik ilisimasaqarpoq
- Ilinniartoq suliat pillugit nalunaarusiat aqqissuusaaanerannik ilisimasaqarpoq

## Sulisinnaassusermi anguniagassat

- Ilinniarteq allaaserisanik suliamut tunngasunik nalinginnaasunik atuarsinnaavoq paasisinnaallunilu
- Ilinniarteq ujarlerfissiani assigiinngitsuni paasisutissanik ilinniarnermut attuumassuteqartunik ujarlersinnaavoq
- Ilinniarteq qallunaatut allamiusullu oqaasii allat atorlugit nalinginnaasumik allaaserinnissinnaavoq
- Ilinniarteq oqaatsit taaguutillu isumaannik atuisinnaavoq allaaserisat suliamut tunngasut nalinginnaasut paasinissaannut
- Ilinniarteq allaaserisanik suliamut attuumassutilinnik nalinginnaasunik paasinnissinnaavoq pingaarnersiuisinnaallunilu
- Ilinniarteq qallunaatut allamiullu oqaasii atorlugit nalunaarusiamik suliamut tunngasumik allassinnaavoq

## Perorsaaneq

Suliassaqarfik pingaarnermi ilinniarteq inuup ineriartorneranut ingerlalluarneranullu taaguutunik periaatsinillu tunngaviusunik atuagarsornikkut ilisimasaqalissaaq, kiisalu perorsaarnermut ataneqartillugu sulinissamut sakkussaqalersissallugu. Fagimi socialassistentip sulinerminik eqqarsaatiginnissaa qitiuvoq. Ilinniarteq suliamut tunngavilersugaasunik ataasiakkaanut eqimattamullu anguniagassalorsinnaassaaq, kiisalu anguniagassat taakku tunngavigalugit pilersaarusersinnaassaaq, ingerlatsilluni nalilersuisinnaassallunilu.

## PERORSAANERMI INAARUTAASUMIK ILIKKAGASSATUT ANGUNIAGAASUT:

### Ilisimasassatut anguniagaasut

- Ilinniartup perorsaarnermi sammiviit annerit immikkoortissinnaavai
- Ilinniarteq perorsaarnermi taaguutunik tunngaviusunik pingaarnernik ilisimasaqarpoq
- Ilinniartup isumaginninnermi sulisut inuiaqatigiinni inissisimaffiini ilisimasaqarpoq
- Ilinniarteq perorsaarnermi misissuariaatsinik ilisimasaqarpoq
- Ilinniarteq perorsaarnermi sulinermi suleriarnissamut ilisimasaqarpoq
- Ilinniarteq perorsaarnermi suliassaqarfimmut inatsisitigut tunngaviusut ilisimavai, matumani atualinnginnermi, nipangiussisussaataaneq nalunaaruteqartussaataaneerlu ilanngullugit

## Sulisinnaassusermi anguniagassat

- Ilinniarteq perorsaarnermi taaguutunik tunngaviusunik nassuiaasinnaavoq
- Ilinniarteq atuagarsornermit isumaliuutit aallaavigalugit perorsaarnermi suleriaasissamik toqqaasinnaavoq
- Ilinniartup sulisutut inissisimanini eqqarsaatigisinnaavaa
- Ilinniarteq perorsaarnermi sulinermik misissuineq tunngavigalugu perorsaarnermi periaatsinik toqqaallunilu atuisinnaavoq, matumani perorsaarnermi iliuusissatut pilersaarutit malinnaanermilu periaatsit ilanngullugit

- Ilinniartoq perorsaannermit anguniagassissinnaavoq, pilersarusiorsinnaalluni, ingerlatsilluni nalilersuillunilu
- Ilinniartoq Perorsaannermi suliassanik sularinninnermut attuumassuteqartunik suleqateqarsinnaavoq meeqqap imaluunniit atuisup ineriartornera ingerlalluarneralu qulakkeerniarlugit

### Tarnip pissusii

Suliassa qarfirmi pingaannermi ilinniartoq inuup ilikkariartortarnera ineriartornissamullu periarfissai pillugit atuagarsornikkut ilisimasaqalernissaanut iluaquserneqassaaq. Fagip ilinniartoq perorsaannermi sulinermi anguniagassissinnaaneranut, pilersarusiorsinnaaneranut, ingerlatsisinnaaneranut nalilersuisinnaaneranullu piginnaaneqalersissavaa.

### TARNIP PISSUSIINIK INAARUTAASUMIK ILIKKAGASSATUT ANGUNIAGASSAT:

#### Ilisimasassatut anguniagassat

- Ilinniartup tarnip pissusii pingaarutilimmik immikkoortullit immikkoortissinnaavai
- Ilinniartoq tarnip pissusiinut taaguutit tunngaviusunik annertuumik ilisimasaqarpoq
- Ilinniartoq inunnik attaveqarnerup attaveqatigiinnermilu piginnaasanut tarnip pissusiisa pingaaruteqassusiannik ilisimasaqarpoq
- Ilinniartoq piginnaasaqarfiit eqqarsaatigineqarnerannut tarnip pissusiisa tunngavigineqarnerannik ilisimasaqarpoq
- Ilinniartoq tarnip pissusii aallaavigalugit ilisimanngisamik iliuuseqarsinnaaneq pillugu ilisimasaqarpoq
- Ilinniartoq ataatsimoortuni pisunut tunngatillugu, eqimattat uummaarissusaannik ilisimasaqarpoq

#### Sulisinnaassusermi anguniagassat

- Ilinniartoq tarnip pissusiini taaguutit tunngaviusut nassuiarsinnaavai
- Ilinniartoq tarnip pissusii perorsaannermi sulinermit pingaaruteqassusianik eqqarsaatiginnissinnaavoq
- Ilinniartup perorsaannermi sulinermini tunngavimminik, tassalu meeqqap imaluunniit atuisup tarnip pissusaatigut ineriartornermini killiffianik paasisimasaqarpoq
- Ilinniartoq piginnaaneqarfinnik eqqarsaatiginnissinnaavoq
- Ilinniartoq perorsaannermi sulinermit atatillugu tarnip pissusiinik eqqarsaatiginnissinnaavoq, nammineq allallu inissisimaffiinut, qisuariaatinut, iliuusissatut periarfissanut sunniuteqartunik.
- Ilinniartoq eqimattat uummaarissuseqarnerat pillugu ilisimasaqarnini atorsinnaavaa

### Kulturi inuiaqatigiilerinerlu

Suliassa qarfiup ilinniartoq kulturikkut ataasiakkaatut, paaqqinnittarfittut inuiaqatigiittullu ataatsimoorfinnik eqqarsaatiginnissinnaalersippaa misissuisinnaalersillugulu. Suliassa qarfik socialassistentip inuiaqatigiinni inissisimaffianik imaqarpoq kiisalu socialassistentitut sulinermi pisussaaffiit inatsisillu ilaallutik.

### KULTURI INUIAQATIGIILERINERMILU INAARUTAASUMIK ILIKKAGASSATUT ANGUNIAGASSAT



Ilisimasassatut anguniagassat

- Ilinniartoq kulturip perorsaанermut sunniutaanik ilisimasaqarpoq
- Ilinniartoq isumaginninnermut tunngatillugu ataasiakkaat, paaqqinnittarfiit inuiaqatigiillu akornanni ataqatigiittoqarneranik ilisimasaqarpoq

Sulisinnaassuseqarnissamut anguniagassat

- Ilinniartoq kulturip perorsaанermut sunniutaanik eqqarsaatiginnissinnaavoq
- Ilinniartoq inooqatigiinnut kulturimullu tunngassutilinnut ajornartorsiutinullu perorsaанikkut isummersinnaavoq iliuseqarsinnaallunilu

### Pinngorartitsineq aalanerlu

Suliassaqarfiup qulakkiissavaa ilinniartup atuagarsornermut tunuliaqutaasunik ilisimasaqarnikkut sulinermilu misilittagaqarnikkut sakkussanik aalajangersimasunik pigiliussinissaa, suliniarfigineqartunullu naleqqussarsinnaanissaa. Sulinermi misilittakkat aammattaaq ilinniartup sulisutut ilinniarsimasutut nammineq inissisimaffimminik eqqarsaatiginnissinnaanera tunngavississavaat.

### PINNGORARTITSINERMI AALANERMILU INAARUTAASUMIK ILIKKAGASSATUT ANGUNIAGASSAT

Ilisimasassatut anguniagassat

- Ilinniartup timip, aalanerup peqqissutsillu ingerlalluarnissamut ineriartornermullu pingaaruteqassusii ilisimavai
- Ilinniartoq kusanartuliornermi ilikkariartortarneq ilisimasaqarfigaa
- Ilinniartoq pinngorartitsisarneq ilisimasaqarfigaa

Sulisinnaassuseqarnissamut anguniagassat

- Ilinniartup kusanartuliornermi ilikkariartortarneq ulluinnarni perorsaанermik sulinermit ilaatissinnaavaa
- Ilinniartoq suliniarfigisanut pilersitsiortorneq pinngorartitsinerlu naleqqussarsinnaavai
- Ilinniartup perorsaанermut tunngatillugu aalinissamut peqqissuunissamullu kajumissaarisinnaavoq

## **Ilinniарnermut killissaliussat assigiissaарnerillu**

Ilinniарneq sapaatit akunnerinik 39-inik sivisussuseqarpoq.

Ilinniарneq perorsaанermik suliassaqarfimmuт tamarmiusumuт sammitinneqarpoq.

Ilinniарneq ilinniartup inuttut ineriartorneranut siuarsaaqataassaaq, matumani ilinniartup kalaallini inuiaqatigiinni peqataanissamut soqutigisaqalersissallugu, ilinniartullu ilinniарfinnut ingerlaqqiffiusunut ingerlaqqinnissaanut tunngavississallugu.

Ilinniарnermi aamma socialassistentip inuiaqatigiinnut kalaallinut kulturimullu sulinerata sammiveqartinnera immikkut isiginiарneqassaaq. Tamanna ilinniарnerup ingerlanerani fagit suliassallu immikkoortut tamarmik kalaallinut tunngasuutinneqarnerat saqqumiuartinniарneratigut

pissaaq, aamma inaarutaasumik misilitsinnermi. Tamatuma sukumiinerusumik oqaasertaliorneqarnera faginit ilinniarnermullu pilersaarutini takuneqarsinnaavoq, takuuk ilinniarneq pillugu quppersagaq.

### **Tigutinnissamut piumasaqaatit**

Socialassistentitut ilinniarnermut tigutissagaanni piumasaqaataavoq, qinnuteqartoq Isumaginninnermi ikiortitut ilinniarsimassasoq imaluunniit inuusuttunut inuusutissarsiutinullu ilinniartitaanermik allamik attuumassuteqartumik ilinniarsimassasoq.

Ilinniartussanik tiguneqartussanik toqqartuinnermi siusinnerusukkut ilinniarnermi karakterit tunngavigineqassapput. Qinnuteqartut ilinniartunut inissarititaasunit amerlaneruppata qinnuteqartut qallunaatut piginnaasamikkut qaffasinnerusumik inissisimasut tigutinnissamut nalilersuinnermi ilaatinneqarsinnaapput.

PI/SPS tigutinneq sioqqullugu qinnuteqartoq qallunaatut misilitsinnissaanik piumaffigisinnaavaa. PI/SPS qinnuteqartunut tigutinnissamut piumasaqaatinik naammassinnittut misilitsinissaannut akisussaasuvoq.

Tigutinnissamut piumasaqaatinit immikkut akuerineqarnissamut qinnuteqartoqarsinnaavoq Roktorimut kajumissaarummik allagaqartoqarneratigut immikkut akuerineqarnissamut tunngavilersuutitalerlugu. Siusinnerusukkut ilinniarsimanermi uppersaatait attuumassuteqartut kiisalu inuusutissarsiutitigut misilittakkat ilanngullugit nassiunneqassapput

Socialassistentinngorniarluni ilinniarnermut qinnuteqarlutik tigutissimasut tamarmik meeqqanik pinerliisimanginnermut aamma pinerluuteqarsimanermut uppersaammik tunniussissapput. Ilinniartup pinerlussimanermut uppersaataat pissarsiariniassavaa PI/SPS-imullu nassiullugu. PI/SPS meeqqanik pinerliisimanginnermut uppersaataat nassiutissavaa ilinnialertussap skema immersoreersimasani PI/SPS-imut utertillugu nassiutereerneratigut. Socialassistentinngorniarluni ilinniarnermut tigutinnermi ilinniartoq nipangiussisussaataitanermut nalunaarummik immersuissaaq.

### **Ilinniarnep aqqissuussaanera**

Ilinniarnermi fagit suliassallu immikkoortut suliassaqrinnut pingasunut immikkoortinneqarsimapput suliassaqrinnillu marlunnik ilaneqarsimallutik.

Suliassaqrifiit pingaarnerit:

- Qallunaatut
- Perorsaaneq

- Tarnip pissusii  
Suliassaqrarfiit ilassutaasut:
- Kulturi inuiaqatigiilerinerlu
- Pinngorartitsineq aalanerlu

## Ilinniarneq kalaallinut sammivilerlugu

Ilinniarneq kalaallinut inuiaqatigiinnut kulturiannullu sammivilerneqassaaq. Tamatumunnga tunngatillugu ilinniartut sulinerminni kalaallit perorsaariaasiannik misilittagaat malinnaaviginnissimanerallu holdimut ataatsimut eqqarsaatigisassanngortinnissaat naatsorsuutigineqarpoq. Pisimasut aallaavigalugit sulineq kalaallinut sammiveqartinneqassaaq pissutsinullu Kalaallit Nunaanni perorsaanikkut atugaasunut sammitinneqassalluni. Ilinniartut ilinniartitsinermi taamatut tunniussaqaarsinnaanerit kalaallit inuuniarnikkut atugaannik ilinniarnepup ingerlanerani pingaarutilimmik imaritinneqassaaq.

## Ilinniarnepup siuariartornera, ataqatigiinnera ataavartuuneralu

Ilinniarnepup ingerlanerani modulit sammisallu akornanni ataqatigiittumik siuariartortumillu aqqissuunneqarpoq. Tamanna modulit ingerlaneranni ilinniarnepup suliassaqrarfiit pingaarnepup suliassallu immikkoortut aqqutigalugit sammisatigut aalajangersarneqarsimasutigut taparserneqassaaq.

Ilinniarnepup aqqissuussaanerani atuagarsorneq sulinerlu ataavartumik ataqatigiinneqassapput. Tamanna ilinniartitsinermi sulinerup ilaatittuarneratigut taparserneqassaaq.

Ilinniartop perorsaanermit aamma tarnip pissusiinut suliassaqrarfiit pingaarnepup aqqutigalugit socialassistentitut sulinermit piumasqaatinik atugassarititaasunillu paasinissaannut nalilersuisinnaanermillu piginnaaneqalersissallugu. Fagit perorsaanermik sulinermit periarfissanik killissanillu ilinniartop misissuisinnaanerani nalilersuisinnaanerani iluaquserneqassaaq, perorsaanermilu sulinermit naammassinnissinnaalersissallugu, ingerlatitseqqisinnaalersissallugu tunngavilersuisinnaalersissallugu.

**Figur 1. Ilinniarnepup siuariartorneq**

Ingerlanera	Siuariartortoqarnera	Naliliineq
<b>Modul 1</b>	Ilinniartop ilinniarnepup fagit pillugit saqqummiivigineqassaaq allaaserisallu skærmikkoortut naqitalu perorsaanermit sulinermit najoqqutarineqartunik ilisimatinneqassalluni	<i>Soqanngilaq</i>
<b>Modul 2</b>	Ilinniartop fagit iluanni oqaatsinik suliani tunngaviusunik ilisimasaaq taakkulu nalornisiginagit nassuiarsinnaallugit. Ilinniartop oqaluttariarnikkut allattariarnikkullu misissuineq pillugu saqqummiivigineqassaaq, kiisalu suliami suleqateqarnissamut sungiusarneqassalluni. Ilinniartop	<i>Allattariarnepup suliassaaq</i>

	perorsaanerimi ingerlatsinerimi siunniusaqarnermik, pilersaarusionermik ingerlatsinermillu misilittagaqalissaaq	
<b>Modul 3</b>	Ilinniartuq qallunaatut oqaatsit aappaanik nalinginnaasumik suliatigullu annertunerusumik allattariarsornikkut oqaluttariarsornikkullu atuisinnaaleriartussaaq. Ilinniartuq suliani oqaatsinik nassuiaasinnalissaaq misissuisinnaalluni perorsaanerimilu iliuusissatut periarfissanut tunngatillugu inerniliisarnermik saqqummiivigineqassalluni. Ilinniartup atuagarsornikkut ilisimasani sulinerimi atorsinnaalissavai, perorsaanerimi ingerlatanut anguniagassiinermut, pilersaarusionermut ingerlatsinermullu.	<i>Allattariarsornermi suliasaq</i>
<b>Modul 4</b>	Ilinniartuq namminersorluni misissuineq tunngavigalugu perorsaanerimi iliuusissatut periarfissat pillugit isummersorluni tunngavilersuillunilu oqaluttariarsornikkut allattariarsornikkullu saqqummiisinnaavoq, kiisalu perorsaanerimik suliasaqarfiup immikkoortuini ataasiakkaani sulisinnaassutsiminik saqqummiisinnaalluni. Ilinniartup perorsaanerimik ingerlatsinermini sulisinnaassutsi anguniagassiinermut, pilersaarusionermut ingerlatsinermut nalilersuinerimullu atorsinnaavaa	<i>Allattariarsornermi suliasaq</i>
<b>Modul 5</b>	Ilinniartup namminersorluni qularnaatsumik nassuiaanerup misissuinerullu iluani piginnaanini takutissinnaavai kiisalu qallunaatut oqaatsit aappaa atorlugu oqaluttariarsornikkut allattariarsornikkullu perorsaanerimi iliuusissat pillugit isummersinnaallunilu tunngavilersuisinnaavoq. Ilinniartuq perorsaanerimi sulisutut anguniagassinnissamut, pilersaarusionissamut ingerlatsinissamut naliliinissamullu piginnaaneqarpoq	<i>Allattariarsornermi suliasaq aamma oqaluttariarsornermik saqqummiussineq misilitsinnerlu. Nalileeqataasoq avataaneersoq</i>

### **Ilinniartitseriaatsimi tunngaviit tunaartarisallu**

Ilinniartitsinerimi oqaatsit qallunaatuujupput, oqaatsilli allat ilaatinneqarlutik ilinniartut qallunaatut oqaatsit aappaatut suliani siuariartornerat tapersorsorniarlugu sammisanilu suliarineqartuni paasinnissinnaanerit annertusarniarlugu.

Socialassistentinngorniarluni ilinniarnermi ilinniartitseriaatsini ilinniartup misilittagai, ilisimasai nalunngeriigaalu aallaavigineqarput. Tamatuma aallaavigineqarnera ilaatigut misilittakkanik eqqarsaatiginnittarnermik ilinniartullu misilittakkanut tunngatillugu iliuuseqarsinnaassusianik ineriartortitsinerimik ilisarnaateqarluni. Taamatut ilinniartitseriaaseqarneq ilaatigut sulinerimi misilittakkanik aamma ilinniartup misilittakkanut tunngatillugu iliuuserisinnaasaanik ineriartortitsinerimik aallaaveqarpoq.

Ilinniartitsinerup aaqqissuunneqarnera ilinniartitseriaatsit assigiinngitsut paarlakaanneqassapput, immikkut suleqatiginneriaatsit saqqummeeriaatsillu assigiinngisitaartut pingaartinneqarlutik. Ilinniartoq ilinniarnepup ingerlanerani siuariartornera sungiusaatinit suliniutinillu suliaqarnikkut iliuuseqarnissamut piginnaaneqalersitsisunik ammasumillu misileraasumik ajornartorsiutinillu suliaqarnermi nakkaannajangissusermik suleriaaseqarnissamut tapersersorneqassaaq. Ilinniartup ilinniarnepup ingerlanerani ilinniartitseriaaseq aqputigalugu qisuariartinnissaa pisariaqartitaminik oqaatiginninnissaanik iliuuseqarnissaanillu namminerlu iliuuseqarnissamut periarfissaqarnermi upperinnissaa kajumissaarutigineqarpoq.

Ilinniartitsineq perorsaanerup iluani kalaallit ullutsinni ajornartorsiutinut attuumassuteqartunik imaqartinneqarpoq.

Ilinniartitsineq aaqqissuunneqarpoq suliassa qarfiit, modulit sammisallu ataasiakkaat iluanni siuariartortumik. Fagini ilinniarnepup ingerlanerani piginnaasatigut namminersorsinnaaneq nalinginnaasumik oqaatsinik atuisinnaaneq annertusiartortillugit ilinniartoq namminersorluni suleriaatsinik, perorsaanermi sulisinnaassuseq, pisariusunik eqqarsarsinnaaneq qallunaatullu oqaatsit aappaatut oqalussinnaaneq sungiusarneqassapput.

Fagini ilinniartitsinermi susassareqatigiinneq ilaavoq. Ilinniarnepmi suliassa qarfinnut allanut oqaatsinik suliaqarneq ilaavoq, tassami oqaatsit sannaannik atuuffiinillu paasisimasaqarneq malinnaaviginninnermi, misissuinermi, paasinninnermi perorsaaneramik sulinerup sammivissinerinut tunngavittut assigiinngisitaartumillu atorineqartarmat. Taamaalilluni suliarsarissumik killissalersornerat pisariaqanngilaq.

## **Misilitsinnerit**

### **Modulini misilitsinnerit**

Modul 2 - 4 allattariarsorluni misilitsinnepmik naggaserneqassapput angusivumik/angusinngilamik nalilerneqartussanik.

Allattariarsorluni misilitsinnerit siunertaat tassaavoq ilinniartup modulini tamani ilisimasaqalersimanerata, sulisinnaassusiata piginnaaneqalersimaneratalu qulakkeernissaa Assiliartaq 1-imi Ilinniarnepmi siuariartortoqarnerani allaaserineqarneratulli.

Modul 2, 3 aamma 4-mi modulini suliassat suliassa qarfinni atuagarsornikkut misissuisinnaanikkut siuariartuaartumik aaqqissuunneqartarput, taakkunannga suliassa qarfiit minnerpaamik pingasut; qallunaatut oqaatsit aappaattut, perorsaaneq tarnillu pissusii ilaallutik.

Allattariarsorluni misilitsinneq angusiffigineqanngitsutut nalilerneqarpat ilinniartoq misilitsiqqissaaq. Misilitsiqqinnermi angusinngitsoortoqarpat ilinniartoq ilinniarnepmut aqutsisumit oqaloqatigineqarnissamut aggersarneqassaaq pissutsit ilinniartup ingerlaqqinnissaanut tunngasut oqaloqatigiissutigineqassallutik.

## Misilitsinneq

Modul 5 fagini pingaarnerni perorsaaneq, tarnip pissusii qallunaatullu ataatsimut misilitsinnermik naammassineqassaaq, taamaattumik misilitsinneq oqalutseqarnani qallunaatut ingerlanneqassaaq. Misilitsinneq allattariarsorluni suliassamik ilaqarpoq kiisalu saqqummiussinnermik ataasiakkaarluni misilitsinnerusoq avataaniillu nalileeqaataasartumit naliliivigineqassalluni.

Misilitsinnermi suliassamik naliliinnermi Greenlandic Grading Scale (GGs-nalilersuut) malillugu karakteriliisoqartarpoq. Fagini ataasiakkaatigut suliassani anguniagassat karakteri A (12) allaaserineqarpoq.

Karakterii angusiffiusoq appasinnerpaaq tassaavoq E (12).

Misilitsinnermi misilitsittup naammassisaanik tamakkiisumik naliliineq aallaavigalugu karakteriliisoqassaaq:

- Oqariartuutiminik ersarissumik ingerlatitseqqiisinaanera qallunaatullu oqaatsit aappaatut allattariarsornikkut oqaluttariarsornikkullu pimoorussinera
- Ilinniartup taaguutininik atukkaminik nassuiaasinaanera
- Atuagarsornermik sulinermillu atassusiisinaaneq taannalu aqqutigalugu perorsaanermik sulinermit tunngavilinnik iliuusissanik saqqummiussisinaaneq
- Nammineq sulisutut inissisimaffimmik eqqarsaatiginnissinaaneq

## Misilitseqqinneq napparsimaneq pissutigalugu misilitsinneq

Ilinniartut napparsimaneq pissutigalugu misilitsissimangitsut, nakorsap oqaaseqaataanik ullut pingasut iluanni uppersaasimasut, imaluunniit allamik peqquteqavissimasut, seminariap aalajangersagai malillugit napparsimaneq pissutigalugu misilitsissapput taamaalillutik sapinngisamik kingusinnerpaamik ilinniarfimmi misilitsinnissami nalinginnaasumi tulliuttumi misilitsissallutik. PI/SPS napparsimaneq pissutigalugu misilitsinneq/misilitseqqinneq aqqissuutissavaa ilinniartoq suliatigullu periarfissat piusut eqqarsaatigalugit.

Inaarutaasumik misilitsinnissamut innersusseqqinneq marloriaannarluni pisinnaavoq.

Innersusseqqinneq taamaallaat pisinnaavoq karakterini angusisoqarsinngitsoortoqarsimappat, Fx-imi imaluunniit F-imi (GGs-nalilersuut) malillugu.

Misilitsinnerup naammassereernerani socialassistentinngorniarluni ilinniarnep naammassineqarsimaneranup uppersaasat tunniunneqassaaq. Uppersaasat kalaallisuunngorlugulu qallunaatuunngorlugulu tunniunneqartarpoq.

## **Naammagittaalliuutit**

Ilinniartup misilitsinneq pillugu naammagittaalliornissani kissaatigippagu, misilitsinnermi naliliinerup nalunaarutigineqarneraniit ilinniartut ataasiakkaatut naammagittaalliuut rektorimut tunniutissavaa kingusinnerpaamik sapaatit akunnerit marluk qaangiutsinnagit.

Rektorip naammagittaalliuut ingerlaannaq misilitsinnerup nalilerneqarnissaanut saqqummiutissavaa. Naliliisut nalinginnaasumik sapaatit akunneri marluk naammagittaalliummi suliami apeqqutit oqaaseqarfiginissaanut piffissaqarput. Ilinniartup naliliisut oqaaseqaataannut nalinginnaasumik sapaatit akunna ataatsimik oqaaseqarnissamut piffissaqarpoq.

Rektori tamatuma kingornatigut allakkatigut tunngavilersukkamik aalajangiissaaq.

## **Ilinniarnernup nalaani aqutissiuineq**

Ilinniartuq ilinniarneq tamakkerlugu ilinniarnermi aqutissiuunneqartassaaq sulianullu aqutissiuunneqartassalluni. Aqutissiuineq holdini, eqimattani imaluunniit ataasiakkaatut ingerlanneqarsinnaavoq. Aqutissiuunneqarnissamut saaffiginninneq ilinniartunit ataasiakkaanit eqimattanilluunniit, ilinniarnermi aqutissiuusumit ilinniartitsisunillu pisinnaavoq. Aqutissiuinermi anguniagaavoq ilinniartumut atugassanik pitsaasunik pilersitsinissaq, taamaalilluni ilinniartuq ilinniarnissamut ilinniarnermullu akisussaaffimmik tigusisinnaaqqullugu taamatullu inuttut suliatigullu ineriartorsinnaaqqullugu.

## **Ilinniarnermi aqutissiuineq**

Ilinniarnernup ingerlarnga tamakkerlugu ilinniarnermi aqutissiuusumit aqutissiuunneqarnissamut periarfissaqassaaq.

Aqutissiuinermi ilinniarnermi apeqqutit nalinginnaasut, ilinniarnermi ajornartorsiutit (inooqatigiinnikkut inuttullu) pineqartunut ilaapput, matumani ilinniarnermi peqataanngitsoortarnerit, suleqateqarniarneq, napparsimaneq ilinniarnernup ingerlarngata immikkut aqqissuussinissamut periarfissat, ilinniarnermi suliatigut ajornartorsiutit (ilinniartitsisunik suleqateqarniarneq imaluunniit immikkut aqqissugaasumik ingerlanissaq) aamma perorsaanermi immikkut tapersersorneqarneq ilanngullugu. Ilinniarnermi aqutissiuusup suliasaraa ilinniartuq seminariap avataani ikiorneqarnissamut periarfissanik ilitsersuutissallugu assersuutigalugu Nuna tamakkerlugu ilinniartunik siunnersuisarfimmut innersuutissallugu.

## **Suliatigut aqutissiuineq**

Ilinniartitsisut tamarmik holdimut attuumassuteqartut suliatigut aqutissiuusassapput ilinniartullu ilinniarnernik tapersersortassallugit.

Holdimut ilinniartitsisup pingaarnernup ilinniarnernup ingerlanerani marloriarluni ilinniartut ataasiakkaarlugit oqaloqatigissavai.

## **Peqataasussaatitaaneq**

Ilinniartuq ilinniarnermut seminariap inatsisit nalunaarutillu tunngavigalugit aqqissugaanut peqataassaaq. Ilinniartup peqataasussaatitaanermik eqqortitsineranik seminaria nalunaarsuissaaq, seminariap aamma peqataasussaatitaaneq aamma ilinniarnermi ataasiakkaat peqataanerannik nalunaarsuisarneq pillugit ilinniartuq ilisimatittussaavaa.

### **Ilinniarnermi peqataaneq**

Ilinniartup ilinniarnermi peqataasussaavoq ilinniarnerrullu immikkoortui tamaasa peqataaffigisussaallugit. Ilinniarnermi peqataanerup malitsinganik ilinniartup takkuttussaatitaanini, suliasanik tunniussisarneq eqqortittussaavaa soorlu ilinniarnermi ilinniartitsinermilu piumasarineqartoq kiisalu ilinniarnermi misilitsinnerni peqataanissaq eqqortinneqassalluni.

Ilinniarnermi piumasarineqarpoq ilinniartitsinermi skemalersugaasumi aqqutissiuinermilu eqimattanilu ilinniarnermi peqataassalluni aamma namminersorluni ilinniarnermik ingerlatsissalluni.

Taassuma saniatigut ilinniartup ilinniartitsisut ilinniaqatinilu suleqatigalugit ilikkariartornissani akisussaaffigaa. Peqataanermi taamaalilluni pineqarput najuunneq, siunnerfilimmik suleqatigiinnissamut aallarniineq ininilu ilikkariartorfiusuni nutaamik eqqarsartaaseqarluni suleriaaseqarlunilu misileraasinnaaneq.

### Takkuttarnermik nalunaarsuisarneq

Ulluinnarni ilinniartitsinermut peqataaneq ingerlaavartumik nalunaarsorneqartarpoq qaammatikkaartumillu ilinniartunut ataasiakkaanut naatsorsuisoqartarluni. Peqataasussaatitaanermut aalajangersakkanik unioqutitsinermi annerusumik suliatigut piumasaqarnermik, ilinniarnerrup ingerlanneranik akuerineqannginnermik, mianersoqqussummik tunniussinermik imaluunniit ilinniarnermi anisitaanermik kinguneqarsinnaavoq. Ilinniarneq pillugu quppersakkami peqataasussaatitaaneq nalunaarsuinerlu pillugit annersusumik paasissutissiisoqarpoq.

### Peqataanngitsoortarneq

Peqataanngitsoortarnerup kingunerisinnaavaa, ilinniartuq kinguaattooqqanermik iliarseeqqullugu peqquneqartoq, imaluunniit modulimi misilitsinnissamut misilitsinnermulluunniit periarfissaminik arsaarneqartoq. Peqataasussaatitaanermik eqqortitsisoqartariaqarpoq modulimi pineqartumi misilitsinnissamut innersuussisoqassappat.

Ilinniartuq piffissami sivisuumi allakkatigut arlaleriarluni mianersoqquneqartaraluarluni peqataasussaatitaaneq eqqortissimangikkuniuk ilinniartuq ilinniarnermi anisitaasinnaavoq.



## **Immikkut akuersissuteqartarnermut aalajangersakkat**

Seminaria pissutsini immikkut ittuni aamma rektorip akuersineratigut ilinniarnep aaqqissugaanerani uani malittarisassat kiisalu ilinniarnep malittarisassat allat malillugit immikkut akuersisinnaavoq.

Seminaria immikkut akuersissuteqartarnermut aalajangersakkat atorlugit ilinniarnep ingerlanissaanik immikkut aaqqissuussisoqarsinnaavoq, ilinniartoq fagit ilaani imaluunniit suliassanut immikkoortunut peqataasussaananit pinngitsuuisitsisinnaalluni, nakorsap oqaaseqaataanik tunniussisoqarsimappat, ilinniartup peqqiilliornera pissutigalugu ilinniarnep naammassisinnaanngippagu. Ilinniarnep annertuumik annikillillugu naammassineqarsimappat, tamanna misilitsinnermi uppersaatini ersissaaq.

## **Aalajangersakkat allat**

### **Ilinniarnermit anisitaaneq**

Rektorip ilinniartoq ilinniarnermit anisissinnaavaa pissusilersornera, inooriaasia, pimoorussinera ilinniarnepilu peqataanera ima pissuseqarpat, ilinniartup ilinniarnepinik suliatigut perorsaanikkullu illersorsinnaasumik naammassinnissinnaanngitsutut nalilerneqartariaqalerpat. Ilinniarnermi anisitsinissamik aalajangiisoqartinnagu ilinniartup suliatigut inissisimanagera ilinniarnepmullu naleqquttuunera pillugit naliliinerit ilinniartitsisunit ilinniarnepilu aqutissiuisumit pissarsiarineqassapput.

